

սիօնիզմի ամենագլխաւոր հակառակորդի մասին Դա հրէական լաւագոյն երիտասարդութեան մի մասն է, որը շատ լաւ հասկանում է նոր շարժման էութիւնը, բայց նա չի համակրում մանաւանդ գործունէութեան տակտիկան։ Նա դատապարտում է սիօնիստներին, որ միայն մեծ մեծ ծրագիրներ են կազմում առանց անմիջական օգնութեան հասցնելու թշուառ հրէաներին, որ ամբողջ յոյսը դրել են ապագայի վրայ և ոգևորում են կարմիր գաղանի—սուլթան Համիդի հետ բանակցութիւններ վարելով, բանակցութիւններ, որոնք, երեւի, վերջ ի վերջոյ ոչ մի գրական հետեանք ունենալու չեն։

Ահա այդ հրէայ երիտասարդներից շատերն էին, որ միացան հայ, ռուս, բուլղար վրացի ուսանողների հետ և բողոքեցին սիօնիստների վերջին համագումարի ժամանակ՝ Համիդին չնորհաւորական հեռագիր ուղարկելու առթիւ։

Ե. Թ.

20) ԲՃԿ. Վ. ԱՐԾԻՐՈՒՆԻ, Թոմախ կամ Բաբկացաւ, պատկերազարդ, Թիֆլիս, 1902 թ., դինն է 10 կ.։

Յարգելի հեղինակը մեծ եռանդով շարունակում է հրատարակել իր «Բժշկի Զրոյցները»։ Նրա գրելու ձեւի մասին արդէն քանիցս ասիթ ենք ունեցել խօսելու։ Այս չորրորդ «զրոյցը» վերաբերում է այն սարսափելի ցաւին, որից գլխաւորապէս զոհւում են մարդիկ իրանց ծաղիկ հասակում։

«Եթէ հաշուելու լինենք 20-ից մինչև 40 տարեկան հասակում մեռնողների թիւը, ասում է հեղինակը, կը տեսնենք, որ երեք մեռնողներից մէկը բարակացաւից է»։

Ահա այդ գրքի բովանդակութիւնը.

Թոքախտաւորը.—Թոքախտը վարակիչ հիւանդութիւն է.—Թոքախտի թոյնը.—Զգոյշ եղէք թոքախտաւորի թէրից, որովհետեւ նրա մէջն է թոյնը.—Ո՞վքեր են հիւանդանում թոքախտով.—Ի՞նչպէս պէտք է պահպանուել վարակումից.—Ի՞նչպէս պէտք է պահել թոքախտաւոր ծնողների զաւակներին.—Ի՞նչպէս պէտք է խնամել հիւանդին.—Թոքախտը բուժելի հիւանդութիւն է.—Թոքախտաւորները կարող են ամուսնանալ, թէ ոչ։

Այս համառօտ վերնադիրներից պարզ է, որ հաջորդ ամեն կողմից լուսաբանուած է և ընթերցողը կարող է ոչ միայն

լիակատար գաղափար կազմել այդ զարհուրելի ցաւի մասին, այլ և իրան պահպանել վարակումներէց: Յանկալի է որ այս գրքոյկը տարածուի և դպրոցներում:

Լ. Ս.

Ն Ո Ր Ս Տ Ա Յ Ո Ւ Ա Ծ Գ Ր Ք Ե Ր

- 1) Ա. Ա. Պօլիթօյ, Ներոն, ողբերգութիւն 5 արար., թարգմ. Հ. Ա. Ղազարեան, Վենետիկ, 1902, գինն է 75 սանտիմ:
- 2) ԲԺ. Ա. Բուդուղեան. Ի՞նչ է կաշուի հիւանդութիւնը, Պետերբուրգ, 1902, գինն է 15 կոպ.
- 3) » » » Վերաբուժական հիւանդութիւն և օպերացիա, Պետերբուրգ, 1902, գինն է 5 կոպ.
- 4) Գր. Բազ.-Աղաջանեան, բանաստեղծութիւններ, Բագու, 1902, գինն է 10 կոպ.
- 5) Լէօ, Յովսէփ Կաթողիկոս Արղութեան, չորս պատկերով, Թիֆլիս, 1902, գինն է 60 կոպ.
- 6) Ա. քահանայ Բագրատունի, Հոգեւոր ընթրիք, Վաղարշապատ, 1901, գինն է 40 կոպ.
- 7) Ե. Թ. Հաւապտման, (պատկերով) հրատ. Յ. Աղամանի, Պետերբուրգ, 1902, գինն է 15 կոպ.
- 8) Սուքիաս Պարոնեան. Բաղկեղտնեան ժողով և Հայաստանեայց եկեղեցի, Պարիս, 1902 թ. գինն է 2,50 ֆր.
- 9) Н. Адонцъ, „Начальная исторія Арменіи“ у Себеоса въ ея отношеніяхъ къ трудамъ Моисея Хоренскаго и Фауста Византійскаго (оттискъ изъ VIII тома, № 1 и 2 „Византійскаго Временника“, 1901 г.)
- 10) А. К. Дживелеговъ, Средневѣковые города въ западной Европѣ, С.-Петербургъ, 1902, цѣна 1 руб.